

養默山房詩藁

養默山房詩藁卷十七

松滋 謝元淮 默卿

東山集

丙戌

和陶雲汀中丞游二月一日試行海運赴吳

淞口望祀瀆神登礮臺元韻

風煙頃刻霽澄瀾極目高臺快遠觀銀漢乘槎曾許
到滄溟轉粟竟非難海濱珠舶尋常見天際神山隱
紉看聞道梯航來萬國鯨鯢永靖水雲安

如膏洒遍雨疎疎賞賚先饒儋石儲風動千檣聲殿

沓歡生萬口笑軒渠

月之三日中丞親臨龍神廟獎
勵耆老每船各賞銀牌二面歡

聲動

舳艫有幸輸

地

天府星宿何時暢尾閭好載陽和數島嶼荒陬草木

待春噓

著勞中外久勤宣

天語褒榮

御墨鮮轉漕通津艱故道濟時良策邁前賢神龍得

水宜爲雨野鳥忘機不避船指點瀛洲如掌上玉堂

人本大羅仙

跼蹐雲間事景從百川爭注海能容嘉謨允賴經營

定薄秩深慙。勉供賦重江南。憐水國詩尊彭澤，仰
儒宗巴詞漫和陽春。調桑梓遙瞻起敬恭。

寒食遊上海西郊外東春煦

海上雲帆入望迷。佳辰強步滬城西。桃花人面紅初
映，芳草褰腰綠漸齊。火燼方知芻狗賤，風高不讓紙
鳶低。誰憐宰樹青如許，耐得流鶯日日啼。

春日獨遊滬城遇吳向亭參軍

景周 錢伯仁

贊府

兆麟

虞嵩生少尉

芝林

同看桃花

綠徧春城萬柳枝。賞花難及未開時。相逢一笑皆知
已，始信漁郎去較遲。

一分培植一分春莫訝元都道士瞋謂南極宮道士盡說名
花堪折取有誰曾問種桃人

紅香碧淺一叢叢佳實分明在此中芍藥牡丹矜國
艷只將顏色鬪春風

勞勞草草每多愁但得清閒且自由好景當前憑記
取殘陽一角下丹樓

許榕臯明府乃大雨中招飲藤花下

海氣騰爲雨江春欲暮時主人能好客對酒且吟詩
嫩葉隨風颭飛英入盞遲縣齋清似水爛醉復何辭

滬城燈詞

三月鶯花欲暮時常年燈火賽神期天公也助遊人
興乍暖輕寒最得宜

大東門接小東門一道香街輦繡屯笙笛隊中光不
定幾忘星月是黃昏

門外燈光徹夜紅嬌兒穉女意匆匆長官原有金吾
禁爭奈人情徇土風

露頂肩輿款款輕衣香鬢影太分明遊人聚處燈尤
好恰向遊人聚處行

思量寶筏拯迷津佛號千聲未厭頻怪底燒香多女
伴天妃原是女郎神

無錢那得製新衣紡織兼旬未下機抱布人人來早

市龍華希與浦東希

皆上海布名

阿孃阿姊共相陪時樣衣裙稱體裁村女不嫌妝束陋滿頭花插入城來

綵衣街上綵衣多織女窗前聽擲梭何事世人思報

本一燈曾未照黃婆

上海地產吉具有黃婆者附海舶來教民紡織遂享其利近日

榕臯大令請建

祠祀之未果行

公子豪華感廢興浦江名尙故侯稱當時食客三千

履散作春城無盡燈

春申君廟在北郭外

家家燈式競春宵堆絹穿珠繡白描畫裏美人徵故

事看完紅拂看紅綃

羚羊掛角迹全無五采玻璃樣各殊只有深紅與深
綠爲多顏色轉模糊

移得將離接鼠姑法華珍品古來無花神自掌花權

柄人巧能教造化輸

法華牡丹爲
江南第一

裏頭青布步踉蹌滄海曾經一葦航媽祖宮中瞻禮

拜珠燈遠致大西洋

閩人稱天
后曰媽祖

轉粟滄溟賴協和沙船終勝蜚船多燈前盡演魚龍
戲河要澄清海不波

前三後四古傳流匝地漫天錦幄稠城外燈完城裏

續開忙直到月初頭

城外自三月二十日至二十六日祀天后城中二十七日至四

月朔祀

城隍神

我輩清閑亦大難偶逢佳境暫盤桓無端已被旁人識說是宵遊海運官

朔日遊人分外親再看須待隔年春夜來一陣收燈

雨洗淨三街六市塵

四月初一夜半雨燈遂止

欄鶴 鎮鄞館中

矯矯欄中鶴空抱青雲姿鍛羽顧懷喪局促羈藩籬
低頭飽黍麥豈憶瓊田芝館人向我言致此東海湄
雌雄自鳴和雄死餘孤雌至今風雨夜哀鳴聲苦悲

朝來舒兩翼奮啄逐羣兒偏處樊籠中俯仰異鞦韆
爲我語孤雌悠悠誠難知華亭清唳歇乘軒非所宜
不隨羊公舞安得仙人騎馴擾戀飲啄將貽凡鳥譏
誰當養健翮破敼使高飛

海運篇 一百五十韻

經常不可拘時局貴知變決策駭創聞事成服灼見
我昨官徐東目擊河漕患淤墊日益高遙隄資衛捍
異漲當伏秋驚惶類合戰洪流拍天來料物堆兩岸
白銀較石輕黃金逐土賤攻守術幾窮消洩希神眷
盼得清霜飛官民慶安奠能事屬當時萬口稱揚徧

雖曰天幸多實亦人謀善後來昧機宜清口遂倒灌
裏急勢須通吭扼將廢飯西風挾鬱濤一怒決高堰
其時天慘昏魚鼈戲郊甸渤澥賴能容淮揚竟未燬
所嗟蚩蚩氓橫死將誰怨

天府重儲蓄根本茂枝幹轉漕東南艱况復遘急難
蕩舟入泥滓萬指助挽牽耶許羣力齊輪扁行逾寸
到頭一壩橫高阻蜀道棧起剝集小車輾轉進魚貫
炎曦蒸火繖喘息亟揮汗暑雨從風狂拋棄各走竄
辛苦致前舟霉黑或朽爛展轉入太倉甚矣舟車困
草野私躊躕將毋厪

宵旰安得計萬全永使歌清晏救時宰相賢懇懇効
忠藎排議闕羣疑採擇稽經傳援古以證今莫如海
運便沿海有沙船製與糧船近長年習風雲島嶼熟
水線南北通呼吸豆菽恣營販數數歲往返有若泛
陂淀虛舟向北趨恒藉沙泥鎮去泥而載米得貲誠
所願民船運官糧難易固已判何人懷幽憂持重每
苛論或言滄溟闊未可計利鈍颶颶捲三山性命付
浩瀚或言糧船夫習惡最獷悍失業無所圖聚者難
解散或言黃運工自古重埽段一旦棄成功惶惑人
心煽疊疊殊動聽悠悠終鮮斷我初得聞之疑信亦

參半謂是蛟蜃窟安渡那無憚焉知經國猷萬里視
几案

簡畀得重臣艱危仗倚辦士行督八州

陶雲汀中丞

萊公

當一面

賀偶庚方伯

前旌指海隅經商來恐漫攬狀爭先

投一一操右券募義倡富民急公良可讀

上海富民毛朱二姓

各有沙船十餘隻情殷報効不領水腳銀

萬金辭不取差堪風貪吝蠶戶

競錐刀見善乃亦羨飄飄大海萍姓名籍可按從來

大利興規模定成算布置幾經畫嘉謀資輔贊去歲

仲冬初檄來申江畔樓船十里重旌旗五色煥帆影

壓寒潮森然無或亂如駐岳家軍如置背水陣令嚴

鳥不喧誠手魚可信分曹均勞茲別色認郡縣沙船

黃浦待兌檣端各懸旗為別蘇州府屬旗用黃色松

江白色常州藍色鎮江紅色太倉州五色皆大書某

府州縣第

幾號糧船憂天杞人愚望洋河伯歎始知六經外另

有真學問倥傯歲序易益益霜雪游艤待久淹期催

促掣流電港潏聚千艇阻塞迨冰泮桓桓安化公親

臨嚴懲勸同心推范韓結好慕廉藺方伯衡鑑平匡

濟佐英俊潘午亭朱小蘭兩觀察才大彌謙遜額莘

騰芝陳鑾二太守沈智心相印司馬集眾長李葛嶧

空際看遊刃吳廷揚顧漢槎皆人豪許榕臯陳朗峯

尤令聞下至簿尉卑各各盡職分獨惜俞大夫陶泉司馬

未聘渥注駿

以憂去職未竟其事

僕也無足稱自信惟迂狷同

袍二三子努力忘疲頓辨色供奔走秉燭治文卷法
華牡丹嬌西郭桃花嫩春光去堂堂空憑杜宇喚犒
賞備朱提纓糯盈白粲小舸犯風波乘潮疾於箭擾
攘厯三旬轉粟過百萬爰擇仲春朔望祀牲醪薦登
眺何雍容雅詠播詞翰東風幾日吹起旋追春雁放
溜黑水洋側隨成山轉旬餘達天津神速信帆健憶
白沙船開好音晝夜盼天際下仙舫飛羽馳郵傳固
知萬無虞未免懷疑悶首夏朔六日喧聲忽一片道
有一舟還其名周隆順我聞亟往觀相見乍聞訊布

帆無恙歸歸載喜充牣渾似寂寞中他鄉遇親串告
我交兌由言笑先嘒嘒儂初到海口有官催前進百
里行內河溯流比鷁迅不知何官府列坐甚嚴峻急
呼斛手前升合不許恩一夫偶作奸登時笞以徇同
到數百艘人人大歡忭半日卸卽空餘糧留充膳惜
儂載未滿畏難由過愼兩日至關東交易未遑戀五
日來吳淞恰與風潮趁何意占先籌只慮作後殿某
某同解維計程應非遠語次呼烹茶捧碗殷勤獻君
是監兌官好米爲儂選直須儘儂裝多少幸毋靳傍
觀衆舟環聞言愈感奮區區卅萬漕指顧凌天漢欣

喜到輿僮慰勞傾美醞對茲暢爽餘恤彼陸行倦竊
聞公路浦萬衆方搬運黃流勢正強洪澤復內汕微
湖開水淺涓涓擬溪澗又聞改海口生地議疏濬此
自關大政吾儕何敢閒但惜日月忙裘葛倏更換嚴
寒又溫和袒衣搖大扇屈指五月閒唯可息塵坌善
作必善成始勤終匪玩歸棹日報增勿令誤風汛

皇仁洽周髀萬靈警荒幻千帆越珠宮纖波未許濺
況此鷗鷺朋利涉本習慣神鵬六月遊何能語斥鷃
君子聞然彰豈若匹夫銜從容措艱鉅鋒鋌銷鍛鍊
汲流思探遠取成還杜轡畫蛇足戒添書馬尾宜認

譬處承平時城郭預修繕樹老鵲巢安天寒蟲戶墜
專重慮或疏救敝誠堪援猶之齒依唇亦如臂使腕
河海互相須庶以昭成憲

朝廷優爵賞嘉茲勲勞建衮衮諸公卿褒美千秋擅
下士望

殊恩巧羨白衣宦醉尉獨何求願乞酒泉郡誰能爲
此詞質直如里諺松滋謝元淮丙戌四月譔

四月望日丙子兒女輩自下邳來姑蘇予以
于役海上未得往視居處漫賦此詩

海濱夏猶寒對景忽不樂行役歲序移身勞骨月薄

昔來菊始華誤訂看梅約鷓鴣一枝遷故巢竟難托
五載官下邳無善幸無惡傳聞舟來時送者盈東郭
此自古風存令我增慙怍吳趨雖舊遊何處安琴鶴
癡兒未解事嬌女尤穉弱老妻愁空厨書來米是索
省書再三嘆客邸惟空橐作書寄吳趨臨封幾回却
猶應勝蘇季敝裘煖不著典此足朝餐勿過屠門嚼
人生一世閒苦被塵累縛安得忍飢寒往覓長生藥
贈湯漁村總戎攀龍督二進海漕赴天津

旌旗頓覺一時新甲帳還餘細柳春海國鯨鯢知號
令天山龍馬總精神輕裘緩帶稱儒將橫槊吟詩笑

古人燕頤封侯班定遠那須投筆志方伸

君能詩

島嶼晴開萬里煙將軍楊僕本樓船

君現任京口水師副將

還

浮巨舶來雲表穩趁長風到日邊滄海混茫同一粟

太倉紅腐足多年輕帆我欲隨君去試測高穹大地

圓

上海邑廟看杜鵑花

柳絮飄零萬樹空啼殘蜀魄惱東風留春不住還歸
去淚染花枝朵朵紅

高臺曲沼好林泉看過幽蘭又杜鵑多恐世人無此

福賞花清興讓神仙

上海城隍廟園亭之勝甲於江左每當花時各出異品供神盛

陳燈綵縱人遊觀如水仙梅花牡丹芍藥蘭花杜鵑菊花各以時獻

題方仰峯少府

景雲

看劍引杯圖

只應薛燭識青萍舉酒相酬醉復醒血影模糊啼古
鬼愁他寶氣動天星

學劍當年苦未成低頭矮屋一身輕勸君且盡杯中
酒莫向人閒問不平

午日集飲榕臯大令衙齋

怱怱令節逢端午草草勞人又一時官閣乍看花照
席賓筵還喜酒盈卮天涯舊雨同來久海上蹄風較
去遲

時連旬東南風甚大海漕船隻進口頗少

莫更高談籌遠畧當前好

景足吟詩

咏寓館榴花示吳向亭

誰道穠芳歇榴花不減春
窗前開自好雨後看尤新
豈解娛詞客端如護美人
紅裙何用妬青鳥已銜巾

寓館月夕

江干愁毒熱日暮送微涼
繞閣風三面開簾月一方
普天供

玉食橫海泛珠航寄謝歸帆便勞人鬢已蒼

擊劍

擊劍高歌且復休忠言未敢爲人謀
堂中火發還棲

燕海上風狂不礙鷗常訝薛能輕太白可憐崔浩比
留侯古今公論憑誰定皎月分明照我愁

過朱西生墨池園小交蘆館

鱣鯨溪上交蘆館中有仙人此卜居道氣深藏徵草
木早秋猶未放芙蓉

亭榭蕭然古木森閉門終日聽高吟乞君潑墨池頭
水滌我塵胸見素心

雜家文字小家詩

君寄董琴南太史句

才大如君自處卑何事

紛紛名下士揮毫對客竟無疑

詩外詩中何所有生平兩語是吾師

詩中有人詩外有事君作君繡

詩
中語
邇來應悔輕饒舌說與傍人總未知

題汪湘汀退省軒詩集

桃花潭上客梅花嶺上官清才多麗句花氣入肺腑
三年不相見會合常苦難鶴市重邂逅慰我平生歡
所惜別離早明月空團團把卷讀復讀紙上翻狂瀾
攜此洞庭去吟向縹緲間

題顧鐵卿頤素堂詩草

顧子知名久新詩到處傳思來銀漢表人在玉山巔
寶樹枝枝秀明珠粒粒圓幾時同載酒泛我五湖煙
冒雨赴太湖東山

小吏如春燕飛飛未許閒隨風來上海冒雨到東山
滿目桑麻好回頭道路艱却聽兒女笑移住翠微閒
丁仙坡大令 應鑾 招遊翠峯寺集飲古雪居
賦贈二首

野寺尋幽去湖光落眼前翠峯留古雪叢木失炎天
果墜馳松鼠風來咽柳蟬優遊樽酒畔談笑總忘年
仙坡雲南石屏州人
官婺源令罷官遊此

癩作神仙吏飄然快遠遊湖山舒嘯傲杖履且勾留
莫訝心難熱應知鬢已秋說詩如說法出聽有潛蚪
朱雪竇禪師說法於此
有龍探首出井而聽

仙坡見和前詩依韻復答

爲洗箏琶耳相邀古閣前

上有枕流閣

綠陰清到地白浪

遠浮天此老閒於鶴休官潔比蟬從遊眞有幸泉石
可留年

偶作高陽醉題詩紀勝遊一經詞客和千載盛名留
主雅賓難俗山深樹耐秋請看觴詠處松柏偃蒼蚪
題仙坡畫二駿圖

一馬滾塵垂楊下一馬低頭斂芳野騏驎相遇總相
憐羞同眇馬嘲蹇馬連翩二駿皆龍媒蘭筋僨發雙
鳬開何事任閒千里足吾知畫史非凡才君不見鹽

車之驥困駿坂驚駘爭先白日晚不逢伯樂枉哀鳴
十二天閑監牧滿又不見齊君好馬按圖尋燕骨猶
償五百金曹韓寫生擅神駿李趙後起尤駸駸請君
更貌飛黃出玉勒金羈耀上林

偕于雲章少府

鍾震

夏靜甫茂才

尚忠

林魯

卿

保昌

鍾鷺于

振飛

兩記室步至茆棚僧

舍烹碧螺春茗

越澗無三里同遊得五人言尋碧螺寺共試碧螺春
山邃巖爲屋僧閒鳥作鄰溪泉清見底好爲濯緇塵

醉登莫釐峯大尖頂

看山不登峯必爲山靈鄙登峯不造極山靈亦不喜
今日翠峯遊未極遊觀美一邱一壑供盤旋終類窺
天坐井底我欲上躋莫釐之巔縱覽七十二峯溟溟
濛濛出沒雲濤烟浪裏公等孰能從或曰否否或唯
唯巖石巉巖松竹靡靡捫藤附葛絕攀援恰有鳥道
斜通可以徘徊而曳履舉首逼層霄尖峯上壓青天
高乍睹湖光白吟身已逐飛鴻翱直來絕頂叫閭闔
騎鶴仙人手可招雪浪潑空浸赤日不若銀盆貯月
淨堂劫插天遠岫延綿畧可辨十邑三郡圍周遭陽
羨諸山最奇絕昔曾遊憩山之腰山中故人瞋我走

俗狀局巖不肯重相邀我乃仰而嘻俯而笑豁然長
嘯摧林臯生平蹤跡半天下遠度黔西近泛洞庭江
漢來往揚風舸其閒崇巒大澤丹谷瓊崖更僕難卒
數要皆欽崎泝瀆龔龔而滔滔似此湖山錯雜羅列
呈畫本暢懷應推今日豪遙指西北一峯高莫匹崢
嶸馬蹟雄其曹其餘小阜紛紛盜名字巨靈碎擘隨
意拋如舟如屋如砧杵爲鼉爲鼉爲鯨鼉林屋石公
近咫尺縹緲對峙同金焦雞犬別具桃源境當年四
皓於此避秦囂靈威禹書千古不復見梧宮早爲吳
王涓我欲隨風去天風吹飄飄鸞鳳飛舞狂鼉號天

長水闊魚龍驕同遊有二客

于補之廣文圖培及令子雲章少府爲言

日已夕人生當著幾緬屐飄風吹面凜乎不可留遲
將誤我爲山賊飄風兮飄風爾胡不吹浮雲歸巖阿
又胡不吹明月騰滄波東山攜妓徵清歌彈絲吹竹
從來多今我不樂將如何嗚呼如此蒼生何

下至雨花臺小憩

上山愛峯高憑高好縱目下山愁路險躡險難息足
最好雨花臺乃在莫釐麓我從絕頂來奔汗喘不續
衣帶雲影青屐粘苔痕綠入門且暫休袒衣忘拘束
茲臺面湖東可以看朝旭幽檻拂新篁巘巖森古木

若無後嶺奇得此已不俗老僧終日閒對客誇靈蹟
我言天雨花不如天雨粟至今香積廚賣花供僧粥
輓俞鳳臺太守四首

知己不易邁凋謝深可悲翻羨道路子生死兩無知
嗟予感秋氣每畏商飈吹歷憶平生好寥寥日見萎
太守今循吏遺愛存口碑一旦遽奄逝潛潛淚潛滋
江水阻且闊招魂愁路歧優孟歌廉吏可爲可不爲
古重二千石監司秩惟均遷陟委數命天豈厄善人
太守保加觀察銜未果及甯無素餐者雍容垂朝紳
權河庫道檄下又以憂去
去秋運道阻歸棹方逡巡募舟經舊治童叟遮前津

河患沒里閭疾苦爭相陳問公何日還活我徐州民

桐鄉祀朱邑此理非無因

徐人思公不
已建立生祠

憶昨公路浦八月秋正中惜我困枳棘欲拔纓竈桐

列狀上大府奔走咸爲功所嘆值磨蝎無補造化窮

去秋以催償民剝船蒙太守

公時病氣弱參耆儲藥

保請註冊先陞卒未階進

籠對我感知遇老成懷樸忠焉知一載後感慨與昔

同積勞復積懣不毀惟蒼穹

安世幹父蠱汲偃無短長造物葬私徇積善有餘慶

平反于定國駟馬輝門牆公生守清白後嗣其必昌

翩翩四公子瓊姿瑩圭璋貴有不如賤存有不如亡

散木濫天壽南國思甘棠死乃未曾死毋爲薤露傷

攜兒子常生遊武山

港水綠到山水清深見泥沿港觀魚樂行行入稻畦
連日零雨足秋桑生新稊嘉穀各吐穗風來禾葉低
徘徊暢心志已歷武山西武山接東山有若膝附齊
疆域雖褊小井里聞鳴雞試上西金峯石徑斜可梯
望湖東一面萬頃堆玻璃稚子無勝情健步隨攀躋
不解山林好但愁歸路迷雲暗莫釐頂雨勢遮前溪

廐里尋吳王養馬處武山

赫虍返長鬣戰陣恃舟師何事養騏驎遺廐武山陞

巫臣舍偏兩始教車與騎夫差凌齊晉耀甲爭黃池
想當萬馬休蹴踏盈山歧吳沼地歸越殿空馬何之
一勝復一敗須臾良可悲我生千載下弔古多幽思
薄秩同委吏司牧非所知嘗聞蒙莊語害馬去勿遲

蔡仙丹竈

武山廣石上一穴置釜一
穴容薪煉藥洲卽在其前

麻姑弄狡獪鳥爪羞爲搔珍珠不可食擲米已無聊
蔡經更喜事苦將丹汞燒至今石竈留苔蘚蒼然焦
秦漢諸方士迂怪徒招搖求仙徧八極至者終寥寥
誇誕類附會誰見飛碧霄君看煉藥洲荒蕪長蓬蒿
藥成竟何用吾欲詢芻蕘

翠峯寺

莫釐高插天岐嶺各爭地起伏任天矯一峯獨橫翠

深塢徑曲盤長林境幽邃中有古道場龍井傳靈異

在昔席將軍捨宅初建寺

唐將軍席溫捨宅建

興福

寺在俞塢梁干將軍

捨宅建

較湫隘法海

寺在法海塢隋莫釐將軍捨宅建

遜宏備所以千

年來禪宗闡奧秘

雪竇天衣二禪師

清飈拂林樾動老煙霞

思入門訝蒼涼野鼠紛紛避竇康陽馬馱剝落鴟吻

墜神鐘

飛來鐘

喑不鳴古佛慘欲淚東西阿難堂殘毀

失尻臂鬼雀啼秋叢夔魑嘯古隧坐覺風景淒萬象

增憔悴嘆息祇樹園胡然此頽棄想當創造始經營

殊不易規模出心裁喬木存手植地占東山勝已見
西來意豈不思後賢肯構承先志寂莫僧無聊布金
侈往事我爲愛山遊煩惱奚由至木樨發上方微香
已撲鼻

微香閣看桂花適汪鏡湖文學

家桂

偕常兒

亦至

出寺聞妙香遙在青樹林西風開早桂慰我遊山心
鷗來寓孤賞靜覽惜秋陰何人健雙屐共此空谷音
夫子與點狂童冠還追尋一笑坐磐石盤礴同披襟

紫泉

微香閣

一泓涵靜碧何處流聲喧潺潺伏地底潛通別有源
下出匯井漑泠泠不可渾卽茲堪悟道折擔已鈍根
下流爲翠峰悟道泉天衣禪師汲泉供衆折擔悟道於此掬泉濯我手星斗看醉
捫

重登莫釐峯

山遊不慮險置身高乃快行行出雲端放眼始無礙
一望小全吳幾於登泰岱西北亂峯多恣意逞奇怪
崇卑各有得點綴成圖畫縹緲獨抗衡爭茲水天界
眾船泛若鳬圩田鋪類卦山腳萬餘家俯視笑細碎
未知此方人視我作何態絕頂難久立美遊今已再

夕陽照歸鳥相送來天外

中秋夕步月渡水橋

卽風月橋

浮雲掩抑太無聊鼓興還過渡水橋官到洞庭多暇
日自來風月屬良宵秋街香燭家家酒樂歲笙歌處
處簫誰向莫釐峯頂去湖光四面夜迢迢

中秋後三日諭白沙嶺致祭仲雍祠

泰伯秉至德讓國逃吳中翩然行素志仲也與之同
文身布明教末期斯民從豈能讓天下而利荆棘叢
所以孤竹子繼起揚休風白沙有遺祠俎豆歲時供
顓予忝職守與茲典禮崇秋氣釀微霖白雲生遠峯

披雲踰峻嶺瞻拜致敬恭濟濟公子孫將事欽肅雍
鄉賢雖並列益顯開創功

是日並祭吳季子席太僕二祠

遐哉延陵

季奕世齊高蹤

錦鳩峯下延陵季子祠

武山

吳札春秋賢諸兄皆可喜與弟迭爲君乃身願速毀
奈何讓德衰轉致爭端起僚王雖非次光弑尤悖理
斯時季子歸慘焉痛生死終身去延陵此情豈得已
濮焚公之孫避亂更居此至今濮公墩名自公孫始
祠屋倚鳩峯蒸嘗重故里我從白沙至後先欣繼美
瓣香通微誠展謁依時祀悠悠懷古心湛湛具區水

度茶巢嶺

在花川嶺後唐陸龜蒙種茶處

君謨進龍團彥國惜其人如何商邱叟亦貢碧螺春

碧螺峯在靈源寺後上產野茶山人朱正元採製有異味宋牧仲撫吳時始以進

上區區巖

阿產草野安足珍罷獻屏異物大哉

天心仁

今已止貢

我行花川嶺峻坂高嶙峋捨輿踏嵯岈

茶樹雜荆榛爲訪天隨迹樵蘇失其真嘆此飲啜微

胡爲走要津只合山居士品賞荒澗濱後來有尊官

乃貢太湖蓴

太湖采蓴自萬厯開鄒舜五始康熙三十八年聖祖南巡舜五孫宏志

種蓴四缸作貢蓴詩二十首以獻得入書館議敘山西岳陽令時人目爲蓴官

千山嶺

梁千將軍教場

洞庭多峻坂茲嶺獨坦平夾路茂松柏野槿繁秋英
輿轎踰高岡人在煙中行將軍昔卜宅於此闢榛荆
教戰據形勝足知爲干城遙遙千載後猶得傳其名

法海寺

徑僻山較深樹老寺益古隨山訪祇園

梁曰祇園

遂入法

海塢鏤棗下馴鴿修條騰野鼠青白二泉荒

舊有二池一青

一白今

已涸谷音響人語一峯上青霄羣峯俱飛舞得茲

梵王宅作鎮憑險阻或言兩洞庭將軍始居處至今

流餘風無文空好武此理豈其然施

修撰

王

文恪

何

楚楚湖山鍾才俊期於世有補大劍與毛錐用貴各

得所佛法在西方流傳入中土度衆庸能知名朕
張主幾見舊園亭千年存峻宇攀藤躡煙霞飄飄意
冲舉却奈罡風吹落葉亂如雨

放舟具區港繞葑山湖沙出楊灣渡湖至石

公山

日日對西山客心久飄忽渺渺阻清波臨風愁飛越
爽氣豁秋懷逸興遽勃發凌晨捉小艇遵渚泝雲窟
葑山荷葉殘掠蓬響窸窣葦菰青可采苔藻翠欲滑
隨塢蕩空明松竹垂清樾泛泛出楊灣西嶺看崢嶸
連嶂競相迎如趨如顛蹶石公最雍容偃僂儼猶笏

先之以三山澤山厥山三山俱在幽栖訪陸厥厥山石公之前居太湖中以陸

厥居此故名挂席漾中流酬酢不遑歇差喜鞅掌餘豪情

未汨沒一一謝林岫待我勿倉卒

石公山

湖石以醜貴醜極成奇妍石公山皆石衆醜集風烟

巖船礪柯脚攬勝巉巖巖巖嶺哈呀各盡態荒奧景斯全

平如几案貼屹如城堞連縷如羅縠細亂如蜂房穿

斷如快劍斫瘦如錐刀鐫一龍下飲水萬笏齊朝天

石門闢鴻蒙幽洞臨重淵蚪木生石罅質與石同堅

叢桂雜柑橘枝葉低拂肩風來香入懷落藥何紛然

樂此且停展歸雲聊盤旋

歸雲洞

出岫雲忘歸山腰尚有洞雕斲資鬼斧軒敞擬飛棟
倒垂千葉蓮側臥開口竊壓頂一石懸撐拄漏天縫
欲墜不墜閒神功顯操縱中有自在身萬古享清供
長風駕銀濤來與崩崖礮百戰兩無疲鼓聲終日聞
湖山造奇境造化恣播弄吾欲買閒雲補此青山空

翠屏軒

桂樹發奇芳石屏聳積翠結構當屏前凭欄喜得地
晴渌漾湖光浮藍收遠勢東南峯八九皆爲此軒媚

我適登躋勞頽然此稍憩遙指來鶴亭丹梯上雲際

來鶴亭

石梯盤青冥步步入寥奧危亭起孤懸絕壁供遠眺
枇杷花始苞丹桂香最妙落葉拂簷墮俗塵不敢到
極覽水雲天臨高發清嘯憶昔袁中郎最喜茲崖隙
文筆侈佳遊自署石公號迄今三百載遺蹟付憑弔
蘇耽倘重來應聽雲中呌

聯雲嶂

宋朱勔採石處上有
舊勒帖文剝落莫辨

朱勔勤花石草木不敢抗瑞雲辭謝姑飛集艮嶽上
如何石公巔幸剩聯雲嶂凹凸矗金城重疊騰雪浪

山高得月多地窄覺天曠磨崖舊帖文猶存波磔
當年採鑿時旌旗連畫舫君臣著荒亡莫能洗石
未知混沌先槎枒作何狀玉剖山無輝珠採川空漾
又或雲水窟奇境藉開劫運生千載後徒倚徒想望
誰信一卷頑嗜好關得喪惟聞米元章再拜著疏放

夕光洞

大來惜殘暉秋至憐月夕平湖返照紅倒景凌絕壁
如鏡懸聚光如侯中被的天水漾空明全向洞口積
石公逞奇怪一一神工闢娛目快睟嶭賞心此闢寂
穴居定可處應達幽處宅

一線天

峭壁豁然開中坳分兩扇五丁未及鑿女媧豈遑煉
疑鑄千將時劍光飛紫雷劃破青芙蓉漏此天一線
日月不常中幽隱生怪變鬼蜮雜蛇蟲伏處誰能見
安得巨靈神手擘開四面拓此作廣場一任遊行便

明月坡

明月不照水石板流金波霧霽夕光洞彩煥明月坡
斜置青玉案倒鋪秋雲羅全湖浮皓魄光景此閒多
大王遊未到明月灣在其後皮陸徒賡歌皮陸所咏石板卽此待我扁
舟來溯洄重吟哦具區古巨浸貝闕藏龍窩珠光耀

深宵蕩漾微風和魚蝦如可侶載月披煙棹

林屋洞

孤帆挂曉風夢中行幾里推篷見包山列嶂青靡靡
覽勝欲何從先自林屋始登陸石徑斜草露濕芒屨
既至神景宮洞山隆然起人間第九天天后之所理

林屋洞爲十大洞天之第九一名左神幽虛之天天后眞君之使闕

三門呀然開

有丙洞兩

洞賜谷

玲瓏若牕兒昔聞靈威丈再入茲洞裏秉火

七十日未得窮所止素書探石面風濤震兩耳又開

古仙人棲眞嚙石髓瓊田芝生白丹竇泉凝紫金庭

廣可遊玉柱醉堪倚鐘鼓自然鳴鳳麟爲雞豕東通

王屋麓西達我眉趾南接羅浮高北連岱嶽峙琅琊
及巴陵旁近皆尺咫爲厭俗客來齷齪神所鄙片石
隔塵凡今洞中可遊者約里許有隔凡石不可進一閉不復啓我來適秋
仲峯巒翠如洗側帽瞰幽虛昏黝石齒齒偃仄苦偃
僂沮洳兼泥水却步心然疑兢兢良有以浮世屬光
明周道平如砥白晝愁鬼域轉盼生棘枳舉足偶不
慎動靜關生死況此黑暗中萬古無星晷松炬異燭
龍薪盡更何恃縱曰神仙宅分明入地底人言曷足
徵我心終不喜仰首視飛雲一笑吾歸矣

靈佑觀

卽神景宮在林屋洞傍

朝日上松杉清氣滿崖谷古觀當谷口遊憩豁秋日
欲陟屏顏巔頓覺精神足譬若猛獸然將搏勢先伏
羽士不_飛丹終歲事樵牧殿角臥羣羊疑是初平畜
道士以伊樹畜羊爲業揖我坐虛堂爲我言林屋石屋信幽杳

中多白蝙蝠洞氣蒸石汗滴漚常溫潄積水自生泥
淤久漸偃促涓涓尚致此何況河海曲遙知萬年前
空闊容馳逐更慮萬年後壅塞成平麓安得六丁神
年年爲修築世事易變遷浮生嘆蹙蹙靈宮半日閒
亦爾忘流俗遠懷皮黿美從容留三宿

皮有三宿
神景宮詩

包山寺

入山不見寺寺爲山所包入寺不見山山爲樹所交
踰嶺望叢薄琳宮如鶴巢石約跨幽澗流水穿林梢
籬落垂綠橘樵徑堆白茅禪關晝虛掩但聞粥魚敲
丁丁出雲際頓使塵念拋兩日寄煙霞登躋窮山坳
勝跡旣周覽清賞身忘勞只恐蛟龍妬吹沫成波濤
鮑靚不可逢毛公石壇高神仙盡隱逸吾憶周隱遙
周隱遙隋人學道於西山自云角里先生之孫大業
貞觀中俱召至京師懇請還山令狐楚有送周先生
住山

記

毛公壇

劉根旣得道綠毛生滿身或曰毛公者卽靈威丈人

是非不足辨石壇留千春奮躋踏虎豹懸策撥荆榛
三休到壇側俯瞰重逡巡何必異冲舉躋高亦有神
上與青天接下與紫霞鄰騰猿及飛鳥不敢來相親
欲尋丹井泉願駕白鹿馴白鹿遊未返丹嶂空嶙峋
樵夫無所欲高歌抱天真

登包山絕頂

西山如蓮葉東山如蓮藕舟從藕根來直向葉心走
跳岑若菱芡荇菜流左右一上包山巔奇觀落吾手
巨浸接圓穹天水混難剖渾是水晶盤上罩玻璃缶
氣象變萬千雲夢吞八九東南衆壑流盡爲此湖有

越地指大雷吳宮望胥口夫椒古戰場遺戰今未朽
蛟龍氣逼人浪急天風吼欲登縹緲峯高春日已西
下坂須躊躇歸途益抖擻奮臂擗晴霞翹足凌北斗
巖壑締前緣此境到非偶試問平生遊快有今日否

消夏灣

一門南向水三面皆倚山中闊清涼界是名消夏灣
菱芡泛靜綠野蓼垂繁殷遊魚自瀟灑好鳥鳴閒關
竟無炎暑到時有涼風還息筇坐危石蕭爽開心
林樾翳陰巖岑苔滑莫攀崖門如可閉便是仙人
誰憐襍穢子觸熱無時閒

明月灣

消夏足避暑明月足玩秋吳王閭國政獨善於嬉遊

施妲醉起舞絃管沸龍舟大灣復小灣

俗有大明灣
小明灣之分

三五常當頭但知夜遊樂遑念鄰敵讐一朝越兵來

明月忽生愁只今弔往事還遺斯地差藤蘿繡絕壁

灌木茂崇邱菱田晾絲網魚池翔沙鷗當年歌舞場

化作桑麻稠山人習崖壑未覺山中幽吾獨苦塵鞅

徘徊喜少留

日暮自鎮下泛舟歸東山

連朝遊未盡夕日又斜暉我自東山來還向東山歸

登舟一回首列岫青依依若留更若送爭傍孤帆飛
莫釐遠相迓隔岸翠成圍放棹泝中流浪細風吹衣
羣鷗馴可狎知我久忘機蒼茫夜氣斂新月照荒磯
人語燈光明飄然還我扉斟酒且停飲磊砢胸中巍
翠微寺

崇岡恣跳踉溪壑隨旋轉孤刹強鎮之巋然聳絕巘
野人加冠帶手足亂舒展作勢左右環益令翠微顯
秋色釀紅葉冷露滋碧蘚橘柚寒爭垂蓬蒿老未翦
躡蹻身漸高望雲日更遠卽此亦爲佳從容聊自遣
還期重九日來把菊花殘

登小莫釐至三茅峯菴

東山最高峯莫釐穿雲表茲嶺附麗之爭雄而差小

名始隋將軍

隋莫釐將軍居此因名

亦如包因鮑

包山以仙人鮑靚所居呼

鮑爲包也

前此定何稱遙遙莫可弔秋爽客興嘉攜筇趁

晴曉羊腸幾攀援忽已凌木杪揚手捫咸池

太湖上稟咸池

五車之氣故一水五名

俯身拾飛鳥湖天侈大觀再覽再覺好

倘非舟楫通何異蓬萊島厥頂若圓笠

一名翦帽峯

昂然

戴穹昊蘭若構山腰天成位置巧入門坐苔榻雲出

煙霞繞騎龍茅初成猶覺太清擾不如守空山終日

對縹緲

微香閣康道士送紫泉

湖中諸山泉一一皆甘美源居悟道先獨讓紫泉紫
我昨遊翠峯飲之清透齒歸來捫腹笑滌淨肥臃鄙
何意康鍊師汲雲餽石髓知予淡泊心蔬食惟宜水
若贈巢父瓢居然陋巷子誰信東山來傷廉但有此
願置調水符剖符自今始

食蓴

陸機誇千里張翰思秋風古人重蔬味况我淡泊衷
日來霖雨久菜把愁不俱鳬葵掇淺瀨頓覺寒庖豐
脆滑柔可理繞手絲絲紅煮以缺耳鐺芼以蘊薤蔥

淪漪縈箸下美欲廢秋菰憶昨黃河北跣跋塵土中
日暮面不盟漿酒羅恩恩豬魚恣飽喫腥臊填滿胸
藜藿懷鄉井道阻歸無從一自移笠澤臟腑清氣充
蓴菜產三泖何時生湖東得非眞宰意慰我菰蘆窮
但食勿復道時俗甘肥膿

煙火墩吳王瞭越處

翠峯之左有山聳照頂築方墩橫闊丈許

越王朝嘗膽吳王饜八珍吳王醉錦褥越王夜卧薪
瞭之都未見惟見浣紗人一旦烽火起姑蘇飛煙塵
徒令翠峯巔尚留煙火墩嗟予多古意登眺值佳辰
時值重九 攜李近咫尺當日爲強鄰夫差與勾踐智勇畧

相均三年棲會稽廿載亡其身一懼一驕縱成敗所
由分煙火瞭何益反觀貴自新

九日由吟風岡芙蓉峯至大尖頂登高循翠
峯翦帽峯荷盤頂而歸

爲愛登高到礪阿孤筇也復上嵯峨雲連白牙嶺風

煙濶樹繞金牛嶺橘柚多我是悲秋常有淚時因被

酒亦能歌眼前欲賦湖山景落葉紛紛可奈何

行過胥母第幾重芒鞋踏徧綠芙蓉蔬盤且醉荷盤
頂落帽應登翦帽峯九日菊花隨地足五湖煙水潑
濃遊人散盡歸何晚要看深崖暮靄封

木瀆舟中

午發胥江計東西入跨塘千峯圍遠黛一舸泝殘陽
雲聚秋生影風來稻送香靈巖空在望夜色已蒼茫
自胥口乘月渡太湖

月色浸全湖淩風一櫂孤波回金萬縷影照玉雙珠
雁鷺偏驚覺蛟龍不敢趨到山回首望煙水正模糊
葑山 俗名龍頭山

霜氣染秋色石楠葉初紅一亭冠龍首四野飛斷鴻
枯荷立淺瀨老樹鳴西風漁人最閒暇挂席收釣筒
路支貞公 振飛祠 葑山

力盡江淮竄海邊歸湖聊藉水爲天
可堪國破家隨破難得身全節更全
事業南都原戲局君臣百粵總殘筵
龍頭山上瞻遺廟却爲攀髯憶昔年

徐孝子詩

名金霖洞庭東山人長洲縣學生事父母

克盡孝道詳嚴太史福所撰行狀道光六

年秋其孫世哲以啓徵詩爲賦此篇

古人稱大孝只在庸常閒宜聖語子夏亦曰惟色難
殺身陷不義刳股徒傷殘其愚雖莫及未覺親心安
卓哉徐孝子宛轉承親歡早歲居父喪蓼莪吟悲酸

讀禮遵古制懺嗟屏異端中年侍母疾戲舞紮衣班
怡然供菽水但取悅慈顏籲天延壽命孝感神所寬
至性敦骨肉細微無不完讓產全棣萼撫孤存乳單
善人稱鄉里高風激懦頑至今裕後嗣堦砌榮芝蘭
嗟予苦輒軻早傷風木寒聞此感夙慟不禁淚汎瀾
富貴不獲養貧賤空長嘆安得徐孝子天倫終團圓
每過長圻嶺孝子葬親於此佳氣生東山歌詩附紀事輶采
其勿刪

余山 一名徐侯山

探奇兩洞庭峯峯行迹滿徐侯峙湖心久怨筇屐嬾

挂席趁東風佳遊不容緩霜樹紅珊林峻嶺蒼玉板

兩灣百餘家東西盡一晒

山有東灣西灣二村居民百餘家

山形魚

臥波小阜魚遺卵

山形如魚外有余洲小阜土人呼爲魚卵

秋水碧沄沄

縱壑浮天遠居民賈湖湘

山民操舟爲業多賈湖湘間

老稚咸偃

蹇不知有詩書何能重軒冕敦龐存古風寂靜到雞

犬轉笑桃源人酒食勞酬款歸舟指豐圻急浪乘風

剪

龍女祠

一名白馬廟

白兔東走藤蕪荒龍宮貴主來牧羊風鬟霧鬢日憔悴

湖波遠阻天茫茫邂逅夫君任豪氣音書代達何

慨慷乘風一旦還貝闕雲濤萬古雙遨翔岳州洞庭

天兼水震澤洞庭東西峙人間竟有三洞庭衣錦湖

山神所喜

俗祀柳毅龍女爲本山人土地神

有情何必定生天功成利

涉補仙緣一障狂瀾歸楚澤幾回安穩送吳船

柳毅本東

山人太湖賈客濟洞庭者以鄉晚生帖投神祠均得安渡

橘樹青青井水碧

柳毅井在

金家湖云是當年寄書處

只今勝事留遺迹泥他兒女空相憐莫

擬蘭香嫁張碩

西山會仙巖是杜蘭香下嫁張碩處

自東山至蘇州舟中雜作

瓜皮艇子小於梭缺口

水口名

斜通入裏河底事不從

湖外去外湖雖近有風波

一條衣帶界荻蘆半屬吳江半太湖水碧山青秋入
夢扁舟絕好臥遊圖

洞庭山去闔閭城二十三橋九十程搖到橫涇剛一
半渡頭人語正天明

淫祠檄毀古今同文正端嚴繼狄公捧到

綸音妖鬼遁上方山色始青蔥

石湖上方山祀五通神康熙中湯文正公

斌撫吳時投其像於湖中道光二年御史李逢辰復奏請禁止燒香有旨查禁妖遂永絕

山迴路轉石湖濱一道長虹阻去津愛煞行春橋下

水年年串月蕩舟人

俗於八月十八夜串月行春橋下

前日舟從胥口去今朝帆向石湖來去來南北隨山

轉嵐翠週遭看一回

冬夜有懷陶泉太守甘肅

冬氣薄絺袍愴然懷知己所思在邊陲西望何邈迤
草露泣春暉麻衣向隴坻爲感臯魚慟深念阮籍毀
近得平羅書五月還鄉里馬鬣負土成冰雪濕芒履
遙知倚廬中追思傷帖妃宦成親不在致身悲早仕
我已廢蓼莪况君純孝子

大孝非一事顯揚居養先雖生千載下心契千載前
更閱千載後至性昭雲天籌海重儲蓄規模期萬全
身退功仍敘知遇稱兩賢嗟予愧碌碌成事因自然

靜居溯往績嘆此千樓船推誠苟未信肯泛扶桑邊
艱難屬創始舟楫原濟川

呼韓保漢塞回鶻建唐功蟻賊絕天命蠢蠢如沙蟲
傳聞哈密西蟬臂當車衝跳梁敢負固千里飛妖烽
戈壁絕水草渴飲刀血紅況此苦寒月凍雪乘嚴風
時艱需才俊墨經古從戎君如請纓往吾願執戈從
相望五千里安得託飛鴻

咏古

第五却餽駿終身識其人棄置亦私意要在賢否分
善哉祁大夫舉午不避親後世拘資格自顯已無因

况復任喜好抑之使不伸等瑟各有挾一例遊齊門
知我尙如此悠悠更何論

依韻和雲汀中丞京口潯河觀開江口壩作
美哉河水歌滄浪外形懦弱中實强萬斛艤艫去如
葉中流容與看輕揚在昔秦皇厭王氣鑿山之役偕
築牆强引支流旁灌海一條衣帶分星潢自從輪挽
供

天庾排瀚爭及潮汐忙暫堵迴瀾浚古淺高何兀兀
低汪汪金錢不惜費畚鍤要須順軌通舟檣豈應疆
界判彼此未諳形勢毋曲防官作有程限促迫晏息

每到天曠黃我本鉛刀異利器一割乍可逾干將但
加拂拭免銹澀敢希珍重珠寶裝嚴冬匝月喜晴霽
建瓴百里看飛蝗慰勞溫語乍傾耳皴膚頓覺柔不
僵大臣心跡在濟世實維侃侃邦家光卽茲舉措洞
物理芻蕘採摭周且詳長河曲曲歸指掌羣疑獨掃
屏譎張汙泥挹盡窮淵底堆岸沙擬添籌量兩乳無
漣猪龍死坦平坐可羅酒漿猪婆灘號稱古淺志載多軟泥不可治今中丞
力主深浚掘至丈餘汙泥盡淨下皆剛土其平如鏡羣疑始釋早思澄波快一洩淨
拖匹練垂天長其日千鏤集江口深掘那顧蟲蟄傷
天吳入壁河伯走鞭撻蛟蜃齊張皇智者觀濶隨所

樂視同杯水儲功堂解識治心卽治水平成偉績追
陶唐尾閭得洩競東注立看雪浪翻銀塘東風吹舵
向瓜步高帆接翼成雁行南漕利濟已如此却願抒
策籌淮陽

登京口雲臺山芙蓉樓至物外亭觀糧船渡

江

絕巘孱顏勢最雄飛樓縹緲矗天中登臨快睹供輸
易疏鑿還思畚鍤功帆過蒜山雲出岫纜牽瓜步鷁
乘風從茲穩渡黃河北清濟迢迢一綫通

遊金山遙望焦山

金焦何意向人青引我芒鞋入窈冥竹樹遙看皆翠
碧樓臺近俯愈瓏玲重遊過客都疑夢一飲村醪竟
易醒囑咐顛風休斷渡可容明日買吳船

分漕徒陽運河與包慎伯孝廉

世臣

同事月

餘工竣言別賦此贈之

蓼蟲不知甘蔗蟲不知苦夏蟲不知冰冬蟲不知暑
拘墟限所天安得同科語君何持危論疾呼駭聾瞽
時事逢艱虞便便敢傾吐甘觸萬人忌惟期尺寸補
文能誅旱魃

宋悅研少司寇鎔觀察蕪湖君年十餘歲時值大旱爲作禱雨文應時雷雨分

旱魃於

能重公輔不能免朝飢一勺更誰與

中衢

一勺凡數萬言陳河
潛鹽政利弊甚悉

儒生好大言往往行相違不能無忤度我初遇君時
及共河干役措置咸得宜慷慨任給使或過我所爲
爽然竊自笑賢者固難知徒陽百里閒舳艫來勿遲
及泉斷地脈人力猶能施庖人治庖已越俎將貽譏
酒酣燭搖紅縱論雜經史四海盡憐才畢竟誰知已
爲言湘潭公石芳侍郎竹西舟初艤捉手忘殷勤亟稱謝
客美新詩出篋中嘆息風塵裏惻惻勿重陳西州慟
何已君是老門生我一舊尉耳飄零感故知空有淚
如水

攜手越河上東望劉王墳

越河雲山下有宋武帝祖陵俗呼劉王墳

王氣

久消歇山勢猶自尊兼旬未登覽擾擾忘朝昏殘歲

剩幾日

時十二月二十三日

欲別愁夕曛君去渡淮南高堂言

笑溫延年奉椒醕團團樂事敦我泛具區棹冷署閑
荒村異時倘相訪但看東山雲

養默山房詩藁卷十八

松滋 謝元淮 默卿

江頭集

丁亥

于役京口晤吳仲倫文學

德旋

有贈三首

勞鱗樂暖渚倦翼懷春林喬木一枝遷嚶嚶空好音
昔爲陽羨別雙沆清且深茲來又七載鬢毛霜雪侵
霜雪誠足嘆時事感升沈富貴豈不榮不能易君心
貧賤豈不苦不能輟君吟京江手再握話言酬夙欽
金焦障積波天塹雄萬古俯小衆溪山淮陰羞噲伍

焉知天地心不喜太莽鹵風煙一壑閒靈秀最可取
海內爲詩文君才一二數體裁接韓蘇聲律宗李杜
世論徒悠悠寸心知有主惜我困塵埃欣賞空無補
嫋嫋千竿竹猗猗傍鱣堂時寓路質軒齋中知己幸相遇此
樂眞未央廣文官舍冷不作熱中忙茗椀話疇昔故
舊多感傷把君詩卷讀愛我情何長荆溪入圖畫君爲
余題船入荆溪圖恍憶蒲帆張君詩足千秋吾意感
詩存初月樓集中不忘江頭好山色願與歌滄浪

重贈吳午生兼呈尊甫梅谷令叔菊畦二首
幾載雲山隔相逢意洒然自遊南礪後重此大江邊

讀畫能參理論詩欲遁禪清才吾黨重妙悟更從天
好愛南園竹猗猗綠滿籬乃公能作達臣叔恰非癡
詠嘯煙霞外優遊杖履時歸帆如有便道我最相思
寓館風雨有懷故園寄家兄民山

坡顙篤親愛風雨惜聯牀孤蹤託幽館吾意尤淒涼
同此風雨聲感觸定何常憶從辭梓里九見桃李芳
小時嬉遊處苔階慮久荒未知兄與弟壯健何人強
朝來怯覽鏡蓬蓬鬢欲霜置鏡起微嘆徘徊思故鄉
游甘露寺

北固抗金焦所遜惟獨立若論奇絕境三山有未及

中嶺起危巒一徑通呼吸倒涌鐵浮圖側戴青蕩笠

笠菴在
山下

臨江尤嵯峨石峯亂疑岌峭削如劍鋒散觴

若袍褶鳥道高懸荆仙洞潛可入拍天萬里浪滔滔
日夜急仲春風物和信步履原隰古蹟傳前朝形勢
控郡邑吾宗北府兵雄鎮衆所習水陸折其衝何止
一當十承平二百載守禦在修葺憑高縱遐觀蒼然
萬景集

祈風詞

時催遣糧船

高山可鑿渠陸地容方舟風潮不時至躑躅河畔心
煩憂憂心視江水滔滔日夜東流

一解

朝望朝夕望汐

素車白馬來何急望之如歲惜如民

望潮如望歲惜潮如惜民寶松

溪太守句

精誠應與江神格潮亦來汐亦來東風不來舳

艫何時開

二解

我酒既旨我有既豐與蓋相續鹵簿雍

容是觀察太守大尹向江上所風

三解

昨日祈風春水

溶溶今日祈風春日曛曛明日祈風春雲夢夢爲我

謂風且勿自南勿自北勿自西颿然來自東

四解

奏雲

璫擊鼙鼓天雞鳴冰夷舞風之祥神所許起青蘋拂

蘭渚紅旗飄錦帆舉款乃歌塔鈴語渡江河無閒阻

轉漕糧輸

天府億萬年

皇仁普五日風十日雨

同熊秋帆治遊焦山

不到焦山去於今十八年春風初放棹旭日正當天
潯瀆南溟混嵯峨北固連激流旋虎眼飛沫湧蛟涎
斷岸攀孤嶼清遊擬謫仙亭臺雲際聳花草鏡中妍
鳥語千聲滑羊腸一徑懸頓驚羣岫小已陟最高巔
楚蜀西南闊乾坤表裏圓萬檣馳白浪雙柱擘蒼煙
捩舵舟誰轉鳴榔網自牽縱能橫巨鎖那得限長川
水怪何須照沙鷗儘可憐幾聞爭海市重見種桑田
一笑吾歸矣高歌意浩然題詩留石上證我再來緣

訪借菴上人不遇

七十老開士聞名識未曾
隨人呼佛子不自認詩僧
上人有被人錯喚作詩僧之句
大道揚中土靈山住上層
何因慳一見蘭若擬重登

焦山海西菴觀楊忠愍公墨跡

青詞宰相勢方橫東樓小兒尤橫行
私第票擬代詔誥隻字奔走名公卿
朝行殺戮暮封拜夢夢天醉誰能爭
十罪五姦章驟入公然斥逐朝野驚
朝野何須驚公心早辦此一鸞困
公公幾死况此百鸞嵩父子
斯時朝局屬艱危豈止區區論馬市
深宵秉燭漏遲

遲鬼神號泣風雷馳一疏早奪權姦魄萬死終希聖
主知才聞封事上已下錦衣杖劓瘡吏勿悲吮血臣
甘枉他年西市淚模糊卻笑東樓太鹵莽嗚呼時世
反覆何足論千秋萬古哀忠魂事實久垂青史重翰
墨還爲後人珍展觀斯卷轉愁絕龍蛇飛舞蛟鬩結
片語猶能感番民精誠到處難磨滅芸臺阮公今人
豪遺文博採珍瓊瑤得之不肯秘巾篋藏入名山幾
重包茲山舊有瘞鶴銘殘碑破碎眞寥寥得公此卷
共光彩一洗俗書如牛毛隱遁由來讓忠烈從此焦
山合易椒

酬路質軒進士 應廷

芝蘭異地產靈瑞乃並珍亦有中行士不棄狂狷人
曩攝荆溪尉樂彼風俗淳晉接多名宿相賞出風塵
竹林兩逸士 梅谷 君家賢弟昆 蒙山 喜我少儻謂
君尤恂恂聞聲久相慕況此情話親河干一握手猥
贈佳句新瓊瑤未可報報茲桃李春遙遙憶雙汎幾
時重問津

題明湖濯足圖

繫艇垂楊對芰荷素心何處託微波江流萬里貪趨
下輪與明湖自在多

踏破芒鞋信此身多年勞攘逐紅塵清漣不少滄浪
水却羨臨流濯足人

金雞嶺看山茶花

雲臺山下金雞嶺三月繁花繪芳景千紅萬紫總尋
常一樹山茶嬌自逞瓊葩朵朵火吐焰翠葉層層春
無影寶珠亂綴珊瑚林紅霞忽蔚彩雲頂百尺老幹
藏古春十笏禪堂蔭清迥前月尋芳初到來含苞露
藥猶未開早知燦爛有此好當時想望徒徘徊流光
照耀娛春目蜂蝶紛紛相追逐盡在天心慰藉中何
須玩賞爭遲速江南茶花天下奇况有東風日夜吹

拙政園中雖未見青螺閣陽羨南嶽寺上曾題詩都放此

株出頭地植根遠說唐宋時洞庭絕品稱花國葉紅
嚴紅與僧白磁盆雅潔畫堂閒一一階庭鬪顏色花
正好時客不歸客裏看花花憐客今年看花京江濱
明年看花何處春年年願醉花前酒莫教花枝空笑
人

銀山晚眺

如何春盡不知春躑躅河干五歷旬城闕雲中連鐵
甕樓臺天際涌金銀身經困苦遊方快境入幽奇句
自新無數峯巒生暮靄依依楊柳送歸人

春日偶成

蘆芽一日長三寸古柏千年不改青
只有春風真好事又吹飛絮化浮萍

芙蓉樓下桃花盛開

淡紅香白滿枝頭鎮日無言水自流
開到十分春太好看花人轉替花愁

寒食日京口送糧船渡江

去歲清明留海上今年寒食滯江頭
看他江海飛輪慣我亦飄飄不繫舟

象山大礮歌

有序

焦山之南有山曰象山麓塘堠中存大礮
六上有崇禎十七年六月兩廣軍門沈淮
南部行造大銃重二千觔二十二字

京口重鎮雄江東瓜洲北固當其衝古來爭戰混南
北全吳保障憑艨艟長槍大劍不足恃地坼天傾來
火攻當之智勇兩俱廢隨煙骨月飛沙蟲我生承平
幸罕見今來觀此氣爲雄洪爐鼓鑄鎔精鐵左挾豐
隆右列缺太白下視祝融愁須臾不忍萬命絕形模
臃腫慘無光土花斑駁口疊血依稀字跡認前朝甲
申十七年六月是時思陵殉國亡專城大帥各分疆

北闕未能殲巨寇南都何事擁孱王想當江介飛羽
檄君臣尙圖全半壁礮子入江江水立騰出波閒色
猶赤黃河忽渡天上兵揚州已破餘空城此日六礮
列江岸黑烟倒洩暗不鳴一旦盡爲

盛朝有還控要害資禦守老罷當道貉子驚鯨魚日
聽蒲牢吼年年冬月霜風高試礮雩山魑魅逃神物
不用乃爲用摸抄環繞嬉兒曹鼠賊近擾和闐西跳
梁沙漠勞征輦何不輦送置軍壘一轟醜類成血泥
用武無地對江水春草自長花滿蹊嗚呼願得六合
桴鼓靜萬古偃臥防金隄兵戈銷作鋤與犁

艤舟吳門送偶庚方伯移節山東

艤棹闔閭城春風恰送行去思吳赤子來暮魯諸生
經世文章貴承

恩棣萼榮甘棠畱蔭好竹馬待重迎

喜聞西師收復和闐

二月陽和徧邊關尙苦寒

王師征戰久絕塞轉輸難
瀝血忠貞慰攻心反側安
摧枯乘敵愾急爲斬樓蘭

養虎誰遺患梟雛自絕天元戎今上相疆場古于闐
冠掃冰山北灰飛瀚海邊
長纓千萬丈請得畫凌烟

雜言

富貴屬之天嘗聞孔聖語區區升斗微營營何太苦
僥倖豈能得得亦無足取商夢販築傳周載渭濱呂
古人際遇閒所守重出處信道苟不堅忽焉喪所主
檜篙不姦回亦能致宰輔雞犬雖成仙未必勝偃鼠

從梁茝林方伯

章鉅

勘吳淞江水利五十韻

東南稱澤國農田資水利震澤定橫流三江入以次
疏濬審原委圩岸因地勢蓄洩各乘時旱澇乃有備
小民利目前司牧忘遠計遵守互因循坐令古法廢
滋蔓茭蘆侵閼塞漚瀆閉淫雨偶爲災汎濫竟莫制

所以賢哲人殷殷獨畱意海內視江南小如面著瘡
區區數郡田拮据供賦稅田僅百之一賦幾十之四
漫淹任拋荒公私交困置蘇松居下游尾間通腸胃
飲啜無所消脹滿可立斃治療應早求策效殊非易
東江迹久湮集水流亦細黃浦同逆河三江已失二
吳淞承太湖獨爲宣洩繫舍此今不圖民瘼將難治
黃渡達滬濱高仰節節異新聞東水口吸潮使爲害
潮長沙與俱潮落沙獨滯畚鍤豈能供泥土棄何地
吳越攬淺夫久廢難復置郊直單著議詳宋明開
淘繼聚訟徒紛紜空言辭實濟要須旺清源禦潮刷

濁穢來雖挾沙來退亦挾沙退以永治水法百年保
無弊若決澱泐流分注吳淞界一如瓜洲河江運兩
不礙方伯今召公下車首農事念爾三吳民辛苦望
樂歲欲擇沮洳鄉登諸衽席內築戢遂親臨溪蕩考
支派成算瞭於胸形勢明若繪老弱扶攜觀奔走指
麾蓋謂言六十年盛舉今見再三江水自乾隆二
十八年莊中丞有恭
疏浚後閱今六十三年雖有節挑未著全功父母惟我公天教活吾輩我

聞田父言感激生歎慨經綸濟時艱仁心衆所賴縣
令爲親民大府職察吏但擇守土賢肯遺斯民累自
嗟尉秩卑多言每招忌尺寸倘有裨胼胝焉敢避况

公昔宣防遠慮建讜議衣帶此江水直如浚溝瀆便
擬鄭公渠還同召伯埭流澤及無窮永頌神哉沛

陪荏林方伯葛峯太守遊神山

三泖稱九峯神山獨秀特草木鬱翠葆琳宮煥金碧
蒼靄盤危陁高坦欣暫息入寺仰飛樓出寺造巔極
白水環青村形勝一覽得使君勸農來艱苦恤民力

山靈逆好風吟筇遂登陟

是日舟詣泖湖因風逆登神山

田少芟蘆

多供輸念澤國我幸陪清塵先驅除荆棘落日生微
涼明月忽如拭徘徊夜欲闌照見帆影直回望儼蓬
壺縹緲不可卽

舟入圓泖登長水塔

泖心菰蒲洲一塔如卓筆書空始何時咄咄愁永日
由拳迷故城長水蹟空述浮圖表舊名弔古轉蕭瑟
旌旗拂荻蘆雲水映初日賓僚非閒遊民瘼荷軫恤
是日方伯臨泖葛峯太守范約齋司馬齊梅
麓刺史李筆山徐漁莊蔡柳堂三大令皆從憑欄望
漸高村落層層出浙東連勾吳朝宗入海疾水道侵
爲田三泖惟存一菱蘆日復滋壅遏行漫溢經界杜
後來剷除別無術辯言起問難形勢或未悉救弊貴
知時遵守期勿失豐稔感天慈平成資良弼故渠不
可尋新蒲又欲茁消長悟物理恬然此心逸歸帆指

竹塘東流何汨汨今日樂未央寅遊直至戌

松陵舟中望洞庭東山

一別東山逾半載吳江喜見東山岑離情楚客自慷慨
秀色東山無古今冷署閒居如陋巷粗官吏隱合
山林風塵何處堪投足滿日煙霞慰我心

烏鎮舟中

一帆烏鎮北兩岸綠雲稠樹擁溪疑盡船通境更幽
衆蟬鳴美蔭獨鷺立清流久學忘機客蕭然快此遊

臨平雨中看山

夏山最宜雨蒼然忽接天林端驚潑墨空際湧飛泉

暑氣消何處涼風吹滿船遙增越嶺秀一路翠娟娟

寓湖上昭慶寺

借得招提境西湖落手中泉聲喧遠近暑氣泐溟濛
山抱雲圍月波明鑑映空遙聞鐘磬發歸趁佛燈紅

昭慶戒壇燃燈
古佛降生處

湖隄晚步至孤山

白傅隄成後孤山竟不孤橋能通小牒勝欲藉全湖
鶴久歸三島梅還剩幾株高風欽遠烈宰樹重楷模
和靖墓林少穆方伯觀
察嘉湖時修葺一新

三潭看雨

雲隱半湖黑風聲忽怒號看雨三潭外不見兩峯高
鮫女珠爭散天孫繭亂縑水深魚泳樂晚霽試觀濠
潭上有飛泳亭爲
西湖放生之所

金沙港早荷

蕩舟裏橋去有港名金沙一亭倚流水四山飛暮霞
清芬乍入座早荷初放花泉源自天竺雲樹莽嵒岬
由飛來峯呼猿洞冷泉亭至靈隱寺

鷺嶺飛來久仙猿尙可呼泉亭依冷徑山寺隱靈區
綠樹千章合紅塵一點無坐深忘出處心與白雲俱
過韜光庵前

峯巒黯不顯遙指輞光庵竹樹交空碧鐘魚出晴嵐
誰知隱遁跡只餘彌勒龕金蓮應已放寺有金蓮池花甚盛朱
得訪瞿曇

過北高峯踰楓樹嶺至上天竺

霑衣竟非雨雲深竹露濃言尋上天竺步入北高峯
卽此是靈境有時聞梵鐘願依觀自在嵐翠一重重
葛嶺

茲山萃靈秀石塔高摩天堂誤賈秋壑嶺因葛稚川
丹砂煉誰就蟋蟀聲可憐殘陽紅映水坐看湖上船

西湖雜詩

門外山光接水光隨風十里芰荷香人間處處愁炎
熱只有西湖六月涼

昭慶寺前寶叔塔遙橫葛嶺兩隄閒香山玉局憂勞
後剩與平章樂半閒

採菱歌續採蓮吟驚起鴛鴦入浦深菱角不辭傷妾
手只愁蓮子苦郎心

西陵松柏水雲灣梅子成陰鶴又還高士美人同不
朽小青蘇小共孤山

南枝萬古嘯靈風義憤人心轉欠公泥範岳王金鑄
檜欲存姦魄勝褒忠

裏湖葑草外湖蘋買得紅船

西湖南湖名

不問津搖到湖心

亭上去半緣清暑半清塵

偶然舟楫消長夏卻憶前番值暮秋聞說六橋三月
好幾時來補踏春遊

渡鶯脰湖

朝辭武林郡暮泛鶯脰湖遠山還障越流水盡歸吳
林壑景雖異烟波興不孤東南資水利宜蓄早應圖
葑山至湖沙荷花三十里

豈是朝霞發蘭橈入藕叢蓮花千朶映人面一時紅
的的全含露田田半捲風隨山三十里香氣滿湖中

遊滄浪亭步歐陽文忠公韻呈荳林方伯

姑蘇園亭冠江左滄浪獨著歐陽篇一邱一壑遽稱

賞地因人重非偶然我客吳門慣奔走亭前來往足

迹環濯纓未能隨孺子春花秋月空清妍湖州長史

蘇子美

亦自勝流寓得此忘塵喧王孫

錢元璚

繁華戚畹

孫承佑

貴將

韓蘄王

相章

豪奪皆雲烟陳迹表揚屬來哲

宋公

漫堂中丞

獨有溪山綠荳林方伯雅好古奇才矯若

飛行仙初守我州多惠政

方伯守荊州日勸諭監利士民疏河以息潛汚水患

至今興頌荆江邊秉臬三吳庶獄理商賈安市農安

田公暇慨焉訪遺蹟荒灣野水看淪漣作詩繪圖寄

別意士民走送遮官船寇君重至天所借彰幽舉廢
捐俸錢樓臺結構仿古制千秋詞客遙相憐我住盤
溪路頗近往遊六月當炎天渡橋頓覺風景異鳥鳴
高樹魚潛淵廣廈庇人自此始枕石權向林閒眠一
亭廢興七百載重修又紀道光年文采風流繼蘇宋
得公並有三人傳

鄒沛霖姊丈

承愷

自楚來吳喜而有作二首

浮家甘薄宦遠道感離情故里來親戚天涯有弟兄
音書多未達寒暑幾番更卻喜連枝樹含芬各自榮
憶昔辭班壘卑官早自羞只緣家室累未免稻粱謀

圯上方回轍湖中又泛舟遠來勞慰藉俯仰愧沙鷗
聞曉園表弟亡詩以哭之

吾父鮮兄弟同胞惟有姑君爲姑長子少小與我俱
十五能文字二十工草書歲時常過往杯酒恣歡呼
自我甘下吏色養違庭閭一旦椿萱殞歸哺痛慈烏
惟姑骨肉親煢煢念藐孤君能承親意親厚不爲疏
當我再出日走送金山隅握手致珍重共保千金軀
別來屢通問扁舟欲遊吳謂我當遷轉相晤期姑蘇
日夕望君至胡乃歸扯墟玉樹中道折驚惋濕衣裾
聞君病瘵弱小愈仍清癯亡日值上九其時正春初

衰親失豕男悲苦當何如况聞卜子夏西河淚久枯
姑父近患目疾孤兒未成童依祖與叔居季弟性坦率庶其
全友于人生如夢寐好惡境各殊君年未四十少我
五歲餘我身幸強健精力耐馳驅哀君隔泉壤使我
豪氣除此生諒不再因果或虛無夢中魂魄來慎勿
畏江湖

歸東山畱四日復至吳門

平生厭城市每戀山林幽如何歸山去只得四日畱
既不受逼促又非書帛求坐席不肯煖皇皇豈無由
去年仲冬月疏鑿通運流除夕始得返椒酒歡自酬

開歲初四日鼓柁來蘇州催漕向京口繭足焦咽喉
忽發峯泖興還爲武林逆策蹇驕鹽驥揚帆笑滯舟
物情有否泰況此非人謀欲進荆棘阻欲退猿鶴羞
進退兩失據出入空懷愁譬若渡危徇中道不可休
四月復五月涼風又已秋躑躅望東山雲樹空悠悠

讀列子

國氏盜於天三年而大饗向氏盜於人踰垣羅禁網
盜亦有道焉東郭爲執兩吾觀天地間何一非盜攘
重榮名尺直尋勿枉

飢寒迫信偽吾念商邱開應聲入水火自投下高臺

心誠物不逆得全亦可哀茫茫六合內豈無軼羣材
徒薪不及賞焦爛胡爲哉

施氏有二子一學一好兵學爲齊侯傅兵爲楚干城
鄰子同所業亦欲致公卿官素與別衛時失疑謬行
厚命乃薄德誰質東郭生

郗雍工視盜得情在毛髮一國盜未除身已爲盜殺
舉賢化自行何爲任伺察亡鉄意鄰子態度皆似竊
聽訟吾猶人勿恃片言折

自笑

莫釐峯勢碧孱顏吏隱經年住此閒贏得虛名堪繼

美也教人喚謝東山

冬夜雜感四首

風雨過冬至今歲又將殘勞人太草草棲息空江干
吳淞重水利疏濬古爲難沙積岡陵峙潮來天地寬
堵築窮智力隄成欣迴瀾桔槔晝夜急水涸沙泥寒
役夫盡穴處蓆敝衣裳單撈答求功速寸心終未安
華元督宋役不恥東門謳口衆而我寡去之何休休
用能平晉楚息難成忠謀奈何任鞭撻使民如罪囚
雖未激事變屢譁亦可憂况聞強梁者殺人橫道周
吾欲舍此去徘徊登古邛古人不可見悵望空懷愁

周侯昔賢守禦潮沒其身後人思令德立祠江水濱

周太爺廟在陳家渡係松江太守名中鉉於
雍正六年築壩浚河沒於水一把總並祀 入門瞻

遺範展非意酸辛力窮繼以死慷慨足爲神方伯記

工役礮石字猶新

嘉慶二十三年疏濬吳淞江唐
陶山方伯總其事有碑勒祠壁 十

年再開鑿淤塞何太頻安得明神祐保障衛斯民潮
來沙不留潮落清水生

騏驥下峻坂行駛步益工驚駘愁滑澁顛蹶泥淖中

其德固已殊其力亦難同吾人甘蹇拙鞭策強追風

鹽車幸一顧伯樂非不逢竭來淞泖間霜露沾衣濃

褰衣惜葛屨何以禦嚴冬獨立荒江畔四野雲濛濛

夜雨簡顧漢槎別駕

文光

冬深氣轉燠重雲生積陰寒日匿不見雲霓爲愁霖
吳淞工始半一雨咸浸淫役夫四五萬穴居緣雨溽
濕薪不可炊土竈亦旣沈滲漏廢坐卧夜永寒無衾
北人雖耐苦風雨恐難禁予亦棚棲者低徊意徒深
辛勤未自恤空有濟衆心短歌寄慷慨願爲知者吟
常兒自東山來工省視慨然有作

歲暮風雪多勞人尙于役任茲畚鍤功未覺日月易
昔來棉花黃今看梅繁白不遑養筋力豈敢念家室
妻孥寄東山視我久如客稚子衡寒來一見遽憐惜

問耶數月閒何乃無消息阿母念耶勞遣子慰晨夕
聽之心愴然骨肉感離析誰無夫婦情女牛猶逢觀
誰無父子恩烏鳥猶哺食河上日翱翔碌碌竟何益
復雪

既雨還飛雪天心惜歲殘萬家寒瑟瑟四野白漫漫
煖語誰加續飢腸擬勸餐遷延河上客得不愧袁安
吳淞工次戲咏四首

白雲江上忽飛揚聽慣秋聲水一方解愠虞絃曾入
奏披襟宋賦儘堪嘗應催緩緩芳菲發莫助紛紛絮
雪狂底定更看歌利濟龍驤萬斛錦帆張

風

穠華看徧蕊成枯
自笑闌珊向海隅
織女有田耘吉
貝勞人何處寄
文無折來殘歲愁
應切種到閒時興
不孤可惜恩恩佳
日去江南景物幾
曾殊

花

虛風釀作冷雲黃
一夜寒林盡改妝
忽訝空江疑白
練翻疑塵世界
銀潢高吟有客眠
難熟短布何人凍
欲僵卻念征西諸
將士穹廡天蓋野
茫茫

雪

嫦娥寂寞愈娟妍
相對吳松五度圓
畚鍤幾同修月
戶霓裳重憶步
虛年照來積雪渾
無賴映入疏花最
可憐多少離人
翹首望好風吹上
大羅天

月

送常兒還東山

昔我離家出焉知父母悲卽今憐子去重憶別親時
雨雪途方滑風潮纔且維莫釐椒酒夜應念久胼胝